

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
BROJ: 65 0 St 1041201 23 St
Sarajevo, 04.10.2023.godine**

Općinski sud u Sarajevu, stečajni sudija Elma Zorabdić, u stečajnom postupku nad imovinom stečajnog dužnika UNIS TOURS d.d. Sarajevo, ul. Ferhadija br.16, Sarajevo, van ročišta dana 04.10.2023.godine donio je sljedeće:

RJEŠENJE

Vraća se predlagatelju radi ispravke i dopune prijedlog za provođenje stečajnog postupka nad imovinom stečajnog dužnika UNIS TOURS d.d. Sarajevo.

Pozivate se da u roku od 8 dana od dana prijema ovog rješenja uredite prijedlog na način što ćete navesti tačnu adresu stečajnog dužnika, a prema podacima iz sudskog registra, te dostaviti dokaz o istom (ne stariji od 30 dana), a sve u roku od 8 dana od dana prijema ovog rješenja.

Ako prijedlog ne bude vraćen u određenom roku smatrat će se da je povučen, a ako bude vraćen prijedlog koji nije ureden po uputstvu suda, sud će prijedlog rješenjem odbaciti.

Obrazloženje

Dana 26.06.2023.godine Stečajna masa iza Istratrans d.d. u stečaju, koju zastupa stečajna upravnica Vlasta Majstorović podnijela je prijedlog za otvaranje stečajnog postupka nad imovinom pravnog lica UNIS TOURS d.d. Sarajevo.

Prilikom dostavljanja prijedloga na odgovor utvrđeno je od strane PTT dostavljača da je stečajni dužnik odselio sa adrese Ferhadija br.16, Sarajevo, koja adresa je navedena u prijedlogu. Shodno tome, a kako je prijedlog neuradan, to je primjenom člana 58. stav 9. Zakona o stečaju („Sl. novine F BiH“ br. 53 od 07.07.2021.godine), donesena odluka kao u izreci rješenja.

Ukoliko predlagatelj u ostavljenom roku ne postupi po nalogu suda, sud će primijeniti član 58. stav 10. i 11. Zakona o stečaju.

POUKA:

Protiv ovog rješenja nije dopuštena posebna žalba.

STEČAJNI SUDIJA
Elma Zorabdić